



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

A Clemente XI. Ad Benedictum XIII.

Luxemburgi, MDCCXLI.

Initium Constitutionis unica Innocentii XIII.

[urn:nbn:de:hbz:466:1-74859](https://nbn-resolving.org/urn:nbn:de:hbz:466:1-74859)

1722.

1722.

INNOCENTIUS XIII.

PONTIFEX CCXLVIII.

ANNO DOMINI MDCCXXI.

INNOCENTIUS XIII. Romanus, Michael Angelus antea dictus, Caroli de Comitibus Filii S. R. E. Presbyter Cardinalis Titulo SS. Quirici & Julitæ. Die 8. Maji 1721. Summus Pontifex Romæ est Pronunciatus & Die 18. coronatus. Creavit Cardinales tres, obiit Romæ 8. Martii 1724. Vacavit Sedes menses duos Dies 22.

Affertio Juris Sanctæ Sedis Apostolicæ in Regnum Siciliae, Hierusalem & Terræ citra Pharam per investituram ejusdem regni factam Carolo VI. Romanorum Imperatori à SS. D. N. D. Innocentio Papa XIII.

INNOCENTIUS EPISCOPUS.

Servus Servorum Dei. Ad perpetuam rei memoriam.

Exordium à tuedis Sedis Apostolicæ & Ecclesiæ juribus.

Inscrutabili illius, per quem Reges regnant, & legum conditores justa decernunt providentia, ad Supremi Apostolatus fastigium, meritis licet imparibus eveci, sicuti Spiritualibus Dominici Gregis Nobis divinitus commissi utilitatibus, atque incrementis promovendis, jugi studio, assiduisque laboribus incumbere non desinimus, ita etiam oculos mentis Nostræ ad Temporalia Sanctæ Romanæ Ecclesiæ Sponsæ Nostræ ac Sedis Apostolicæ Jura sartatecta tuenda, & præsertim Regnorum, ac Dominiorum, quæ ad illam pertinent proprietatem, debitamque subjectionem conservandam convertere, iisque more Romanorum Pontificum Prædecessorum Nostrorum opportuna ratione consulere compellimur, prout in Domino expedire arbitramur.

Infestatatio Regni Siciliae, Hierusalem & terræ citra Pharam Ferdinando Aragoniæ Regi à Julio Papa II. facta.

§. 1. Dudum siquidem sel. rec. Julius Papa II. Prædecessor Noster Regnum Siciliae, & Hierusalem, cum tota Terra quæ est citra Pharam, usque ad confinia Terrarum Sanctæ Romanæ Ecclesiæ, Civitate Nostra, tunc sua Beneventana cum ejus Territorio, & pertinentiis duntaxat excepta, ad jus & proprietatem ejusdem Ecclesiæ pertinentia, & tunc ad ipsum Prædecessorem, & dictam Ecclesiam devolutum, quovis modo, & ex quavis causa illud ad eandem Ecclesiam devolutum esset; aut aliàs ejus dispositio ad prædictum Prædecessorem pertineret, cum omnibus juribus, & pertinentiis suis clar. mem. Ferdinando Aragoniæ, & utriusque Siciliae, ac Hierusalem Regi pro se, suisque in dicto Regno Aragoniæ Successoribus, & Hæredibus tam masculis quam feminis ex eo recta linea descendentibus, certe tunc expresse modo natis, & nascituris, in Feudum perpetuum proannuo censu, & sub diversis conditionibus, modis, formis, adjectioni-

bus, permissionibus, clausulis, cautelis, voluntatibus, & ordinationibus, etiam tunc expressis, sine tamen præjudicio juris ipsi Ferdinando Regi aliàs in eodem Regno forsitan competentis, cui tunc noluit derogari de fratum suorum consilio pariter, & assensu, & ex certa scientia, ac de Apostolicæ potestatis plenitudine concessit, & elargitus fuit, dictam Civitatem Beneventanam cum ejus Territorio, Districtu, & pertinentiis per ipsum Prædecessorem, seu Romanum Pontificem distinctis, seu distinguendis, cum eorum Incolis, prout illam sibi dudum antea præfata Ecclesia retinuerat, & reservaverat, sibi, & Sedi Apostolicæ specialiter reservando, prout in ipsius Prædecessoris desuper confectis Literis, in quibus idem Prædecessor inter alia voluit, quod dictus Ferdinandus Rex, & sui in d. Regno Siciliae, cum Terra intra Pharam Hæredes, & Successores darent Prædecessori, & Ecclesiæ præfatis eorum Privilegium aurea Bulla bullatum, in quo proprio juramento faterentur, & recognoscerent expressè Regnum Siciliae, & Hierusalem, & totam eorum Terram, quæ est citra Pharam usque ad confinia ejusdem Ecclesiæ, exceptâ Civitate Beneventanâ præfata cum Territorio, districtu, & pertinentiis suis ex sola gratia, & mera liberalitate Sedis, & Prædecessoris præfatorum sibi, suisque Hæredibus, & Successoribus fuisse concessum, ac eos recepisse, & tenere Regnum Siciliae, & Terram hujusmodi à Prædecessore, & Ecclesia prædictis, sub pactis, modis, & conditionibus tunc, ut præfertur, expressis, plenius continetur.

§. 2. Et deinde piæ mem. Leo Papa X. etiam Prædecessor Noster Regnum Siciliae cum terra citra Pharam clar. memor. Carolo Romanorum Imperatori semper Augusto, tunc Romanorum, & Hispaniarum Regi Catholico, in Imperatorem electo, in Feudum eisdem modo, & forma, quibus per prædictum Julium Prædecessorem præfato Ferdinando Regi concessum fuerat, & sub prædictis, quæ tunc per eandem Sedem remissa non apparerent, & certis aliis tunc expressis conditionibus de novo concessit, & de eo etiam ipsum Carolum Imperatorem investivit; Et dictus Carolus Imperator per quondam Joannem Emanuelem aurei Velleris Equitem tunc in humanis agentem, & ipsius Caroli Imperatoris apud Leonem, & Sedem præfaram Oratorem, & Procuratorem specialem promisit, & se, & omnes Regnum ipsum Siciliae vigore illius concessionum, tam per Julium, quam per Leonem Prædecessores hujusmodi factarum pro tempore obtinentes obligavit ad inviolabiliter observandum, & adimplendum omnia in Literis Julii Prædecessoria contenta, super quibus de dispensatione, aut illorum remissione per eandem Sedem non constaret, seu appareret, & solvendum singulis annis in perpetuum Camera Apostolicæ septem mille ducatos auri de Camera in Festo B. Petri, ultra solitum censum Paraseni albi pro recognitione veri, & directi Domini ipsius Regni Siciliae, & ad Leonis Prædecessoris, & Camerae prædictorum requisitionem delinquentes in Terris eidem Ecclesiæ mediare vel immediate subjectis ad dictum Regnum, & illius Civitates, Terras, & loca confugientes capi, & ad Urbem, vel alium locum remitti faciendum, sub pœnis in Literis Julii Prædecessoris hujusmodi contentis, dummodo idem Leo Prædecessor & Successores Sui Romani Pontifices, ac præfata Camera ad ipsius Caroli imperatoris, & Officialium suorum requisitionem delinquentes in Terris, & locis dicti Regni ad Terras, & Loca Ecclesiæ confugien-

Facta Carolo V. Romanorum Imperatori à Leone Papa X.

1722.

res pariter ad eos remitterent, prout in Instrumento publico desuper confecto, & in certis ipsius Leonis Prædecessoris Literis de verbo ad verbum inserto plenius continetur.

§. 3. Ac successivè rec. mem. Julius Papa III. Prædecessor etiam Noster prævia renuntiatione dicti Caroli Romanorum Imperatoris semper Augusti dictum Regnum Siciliae, & Hierusalem, cum tota Terra citra Pharum usque ad confinia Romanæ Ecclesiæ, excepta Civitate Beneventana cum ejus Territorio, & Districtu, ut supra, inclytæ mem. Philippo II. tunc Angliæ Regi, & Hispaniarum Principi, pro se, suisque Hæredibus, & Successoribus Aragoniæ Regibus tam masculis, quam foeminis, ex eo recta linea descendentibus, natis, & nascituris, ac aliis personis in concessionibus Julii, & Leonis comprehensis, & per eos vocatis in Feudum perpetuum pro solito annuo censu septem mille ducatorum auri de Camera, & unius Parafreni albi solvendo, & sub conditionibus, modis, formis, adjectionibus, promissionibus, clausulis, cautelis, voluntatibus, & ordinationibus in Literis Julii, & concessionem Leonis Prædecessorum hujusmodi contentis, quæ per eandem Sedem remissæ non apparerent, similiter concessit, & de eo ipsum Philippum Regem investivit; Et dictus Philippus Rex per quondam Ferdinandum Franciscum Avalos de Aquino Marchionem Piscariæ tunc in humanis agentem, & ipsius Philippi Regis apud Julium Prædecessorem, & Sedem prædictos Procuratorem specialem, obedientiam, homagium, & juramentum fidelitatis consuetum præstitit, prout in ipsius Julii Prædecessoris Literis plenius continetur. Quæ omnia idem Philippus Rex successivè per Bullam suam auream sub datum Bruxellis anno Domini 1555. die prima Octobris manu sua subscriptam approbando & acceptando confessus fuit, & recognovit.

Philippo III. Hispaniarum Regi à Clemente Papa VII I.

§. 4. Postèa vero sel. rec. Clemens Papa VIII. Prædecessor Noster, eodem Philippo II. viam universæ carni ingresso, Regnum ipsum Siciliae, & Hierusalem cum tota Terra prædicta citra Pharum usque ad confinia Terrarum ejusdem Romanæ Ecclesiæ, excepta Civitate Beneventana cum ejus Territorio, districtu, & pertinentiis per se seu ejus, & Nostros Prædecessores Romanos Pontifices distinctis, ac eorum incolis, quam sibi, & eidem Ecclesiæ specialiter retinuit clar. mem. Philippo III. etiam Hispaniarum Regi Catholico pro se, suisque Hæredibus, & Successoribus Aragoniæ Regibus, tam masculis, quam foeminis ex eo recta linea descendentibus, natis, & nascituris, ac aliis personis in concessionibus utriusque Julii, & Leonis Prædecessorum hujusmodi comprehensis, & per eos vocatis, in Feudum perpetuum pro solito annuo censu septem mille ducatorum similium, & unius Parafreni albi, ut præfertur, solvendo, & sub conditionibus, modis, formis, adjectionibus, promissionibus, clausulis, cautelis, voluntatibus, & ordinationibus in Literis utriusque Julii, & concessionem Leonis Prædecessorum hujusmodi contentis, quorum remissionem per Sedem prædictam factam fuisse non appareret; præstitit tamen prius eidem Clementi Prædecessori, & Sedi, & Ecclesiæ præfatis nomine ipsius Philippi III. Regis per bon. mem. Antonium de Cardano, & Corduba Ducem Suisiæ, Sornæ, & Vanae, Comitem Cabræ, & Palamos, Vicecomitem de Ubregar, & ipsius Philippi III. Regis Consanguineum & Consiliarium apud eundem Clementem Prædecessorem & Sedem prædictam Oratorem & Procuratorem, ac mandatarium suum specialem &

per eundem Clementem admissis obedientia, atque homagio, & juramento fidelitatis, sub certa, tunc expressa forma pariter concessit, & elargitus fuit, ac Regnum ipsum præfatum Philippo III. Regi modo & forma præmissis infeudavit, prout in prædicti Clementis Prædecessoris sub plumbo sub datum Romæ apud Sanctum Marcum Anno Incarnationis Domini 1599. quinto Idus Septembris Pontificatus Sui Anno Octavo expeditis Literis plenius continetur.

§. 5. Subindè autem defuncto Philippo III. Gregorius XV. Prædecessor etiam Noster idem Regnum Siciliae, & Hierusalem cum tota Terra præfata citra Pharum usque ad confinia Terrarum Ecclesiæ Romanæ excepta Civitate Beneventana cum ejus Territorio, districtu, & pertinentiis per se, seu ejus & Nostros Prædecessores Romanos Pontifices distinctis, ac loco Pontis Curvi, ejusque Territorio, quæ sibi, & eidem Ecclesiæ specialiter retinuit clar. mem. Philippo IV. etiam Hispaniarum Regi Catholico pro se, suisque Successoribus Aragoniæ Regibus tam masculis, quam foeminis ex eo recta linea descendentibus, natis, & nascituris, ac aliis personis in concessionem utriusque Julii, & Leonis, ac Clementis Prædecessorum hujusmodi comprehensis, & per eos vocatis in Feudum perpetuum pro solito annuo censu septem mille ducatorum similium, & unius Parafreni albi solvendo ut supra, & sub conditionibus, modis, & formis, adjectionibus, promissionibus, clausulis, cautelis, voluntatibus, & ordinationibus in Literis dictorum Julii II. & III. ac Clementis, quarum remissionem per Sedem Apostolicam factam fuisse non appareret; præstitit tamen, prius eidem Gregorio Prædecessori, & Sedi, & Ecclesiæ prædictis nomine ipsius Philippi IV. Regis per quondam Franciscum de la Cueva Ducem de Albuquerque, apud eum, & Sedem præfatum Oratorem, & Procuratorem ac mandatarium suum specialem & per eundem Gregorium admissa obedientia, atque homagio, & juramento fidelitatis, sub certa tunc expressa forma concessit, & elargitus fuit, ac Regnum hujusmodi præfatum Philippo IV. Regi modo, & forma præmissis infeudavit, prout in prædicti Gregorii XV. Prædecessoris sub plumbo sub datum Romæ apud Sanctum Petrum V. Kalendas Decembris 1621. Sui Pontificatus Anno Primo expeditis Literis plenius continetur. Quæ omnia idem Philippus IV. Rex successivè, per Bullam suam auream sub datum Matriti V. Novembris 1622. manu sua subscriptam approbando & ampliando confessus fuit, & recognovit.

§. 6. Postremò verò dicto Philippo IV. Rege ab humanis exempto piæ mem. Alexander VII. Prædecessor itidem Noster præfatum Regnum Siciliae, & Hierusalem cum tota Terra citra Pharum usque ad confinia Terrarum ejusdem Ecclesiæ Romanæ, excepta prædicta Civitate Beneventana cum ejus Territorio, & districtu, & pertinentiis per se, seu Romanos Pontifices distinctis, una cum Terra Pontis Curvi, ejusque Territorio, quæ sibi, & eidem Ecclesiæ specialiter reservavit cl. m. Carolo II. Hispaniarum Regi Catholico tunc in minori ætate constituto, pro se, suisque Hæredibus, & Successoribus Aragoniæ Regibus tam masculis quam foeminis ex eo recta linea descendentibus natis, & nascituris, ac aliis personis in concessionibus utriusque Julii, Leonis, Clementis, ac Gregorii Prædecessorum, hujusmodi comprehensis, & per eos vocatis, in Feudum perpetuum pro solito annuo censu septem mille ducatorum similium, & unius Parafreni albi, ut præfertur, solvendo, & sub conditionibus, modis, formis, adjectionibus, promissionibus, clausulis, cautelis, & ordinationibus in Literis

utrius.

1722.

Philippo IV. Hispaniarum Regi à Gregorio Papa XV.

Carolo II. Hispaniarum Regi in minoribus constituto ab Alexandro Papa VII.

utriusque Julii, Clementis, ac Gregorii, & concessione Leonis Prædecessorum hujusmodi contentis, quarum remissione per Sedem præfatam factam fuisse non appareret, concessit, & largitus fuit, ac Regnum ipsum eidem Carolo Regi infeudavit, eumque de illo investivit; Et dictus Carolus Rex mediante cl. m. Marianna ab Austria Regina Hispaniarum ejus matre Tutrice, atque Gubernatrice per B. M. Fridericum, dum viveret, Tituli Sancti Petri ad vincula Cardinalem Sfortiam Procuratorem & mandatarium suum specialem eidem Alexandro Prædecessori, ac Sedi, & Ecclesie prædictis obedientiam, homagium, & juramentum fidelitatis præstitit, prout in ipsius Alexandri Prædecessoris Literis pariter sub plumbo apud Sanctam Mariam Majorem Anno Incarnationis Dominicæ 1666. 13. Kalendas Junii Pontificatus sui Anno XII. emanatis uberius continetur. Quæ omnia idem Carolus II. Rex postmodum tam per Suam Bullam auream sub datum Martii 29. Martii 1667. à memorata Marianna Regina ejus Matre, Tutrice, ac Gubernatrice subscriptam, quam per aliam similem Bullam sub datum pariter Martii 7. Aprilis 1676. propria ipsius Caroli Regis interim majoris ac sui juris effecti manu signatam approbando, & ampliando concessus fuit, & recognovit.

Clemens
Papa XI. Carolo II. sine liberis defuncto, ejusmodi investitura superaddit.

§. 7. Cum autem, sicut Deo placuit, jam tum ab anno millesimo septingentesimo dicto Carolo II. Rege sine liberis è vivis erepto, Europa ferme tota inde in partes divisa diuturno bello conflagraverit, ac felicis recollectionis Clemens Papa XI. Prædecessor etiam Noster justis, & gravissimis causis adductus, infeudatione, atque investitura dicti Regni Siciliae, & Hierusalem cum tota terra citrà Pharum concedenda, tametsi pluries oblato etiam censu præfato ad id requisitus fuisset inter faventis belli ejusmodi motus supercedendum esse duxerit, salvis tamen, & illæis remanentibus juribus sibi, & dictæ Sedi super eodem Regno competentibus, quæ per plura Chirographa propria ejus manu signata, in quibus itidem cautum fuit tempus, & tempora non currere, luculenter præservavit, prout etiam Nos per simile Chirographum anno superiore præservavimus.

Carolus VI. Romanorum Imperator pro obtinenda præfati regni investitura præstito fidelitatis juramento supplicat.

§. 8. Nunc verò Charissimus in Christo Filius Noster Carolus VI. Hispaniarum Catholicus, & Romanorum Rex in Imperatorem electus, qui in dicto Regno Siciliae, & Hierusalem, ac tota Terra citrà Pharum successit, & illud de præfenti possidet, volens debitam obedientiam, ac fidelitatis, & homagii juramentum in manibus Nostri præstare, & ea, quæ ratione ipsius Feudi tenetur, adimplere, Dilectum Filium Nostrium Michaëlem Fridericum Tituli Sanctæ Sabine Cardinalem de Althau Procuratorem, & mandatarium suum specialem fecerit, constituerit, & deputaverit specialiter, & expressè ad se nomine prædicti Caroli VI. Regis, quoties opus fuerit, eoram Nobis humiliter, & cum omni reverentia præsentandum, ac à Nobis Investituram Regni hujusmodi petendam, eamque acceptandam, necnon Nobis nomine ejusdem Caroli Regis pro præfato Regno Siciliae, & Hierusalem cum tota Terra citrà Pharum debitam obedientiam exhiben. ac etiam fidelitatis, & homagii juramentum ratione Feudi dicti Regni præstandum, quod requisitum necessarium, & opportunum foret ex ipsius Feudi natura, & quemadmodum illud præstitum fuerat à Carolo II. Rege atque ab aliis Prædecessoribus Suis in eodem Regno solitum fuerat præstari; & dictus Michaëlem Fridericum Cardinalem de Althau Pro-

curator, in vim Constitutionis, & Deputacionis hujusmodi, ad præmissa omnia, & singula nomine prædicti Caroli Regis peragenda, & exequenda coram Nobis humiliter, & cum omni reverentia sub die 17. mensis Maii proxime præteriti se præsentavit, & in Generali Venerabilium Fratrum Nostrorum Sanctæ Romanæ Ecclesie Cardinalium Congregatione sub hac die Martis IX. mensis Junii præsentis Anni, quæ coram Nobis in Palatio Nostro Apostolico Montis Quirinalis ad hoc specialiter convocata, & habita fuit cum pluribus Archiepiscopis, Episcopis, aliisque Prælatibus ibi assistentibus, nomine ipsius Caroli Regis Nobis, & Sedi Apostolicæ ac Romanæ Ecclesie prædictis obedientiam, atque homagium, & juramentum fidelitatis sub forma inferius adnotata præstiterit.

§. 9. Nos considerantes ipsius Caroli Regis hereditariam regnandi consuetudinem, & quod sciet, & volet commissos sibi Populos in pacis innocentie, & Justitiæ cultu confovere, ac Nos & Romanam Ecclesiam ipsius Regni Proprietarios, ac directos Dominos grata devotione, fide sincera recognoscere; Nec diutius volentes à concessione investituræ, & infeudationis præfate, ac directi Domini Nostri usu, & exercitio abstinere sed potius novis, ac justissimis ex causis ita suadentibus, præsentique rerum, & temporum statu accuratè perpensò, Romanorum Pontificum Prædecessorum Nostrorum vestigiis inhaerendo, Nostri, & ejusdem Sanctæ Sedis Jura, per novam concessionem hujusmodi asserere, & conservare intendentes, habita super his cum eisdem Venerabilibus Fratribus Nostri Sanctæ Romanæ Ecclesie Cardinalibus prius in eodem Consistorio, & deinde etiam in alia simili Congregatione Generali ad hoc nominatim habita sub die sabbathi sexta ejusdem præsentis mensis Junii in eodem Palatio Nostro, ibique mandato Procuracionis ipsius Caroli Regis in Imperatorem electi publice, & alta voce perluctò, & diligenter inspectò, de liberatione matura de ipsorum fratrum consilio pariter, & assensu, & ex certa Nostri scientia, & de Apostolicæ Potestatis plenitudine, In Nomine Patris & Filii & Spiritus Sancti Obedientiam ab eodem Cardinale de Althau Procuratore, nomine ipsius Caroli Regis Nobis, & Sedi, & Camera prædictis, ut præmittitur, præstitam, itemque homagium & juramentum fidelitatis hujusmodi lato, atque hilariter animo admittimus, ac Regnum ipsum Siciliae, & Hierusalem cum tota terra prædicta citrà Pharum usque ad confinia Terrarum ejusdem Ecclesie Romanæ, exceptâ prædictâ Civitate Beneventanâ cum ejus Territorio, & districta, & pertinentiis per Nos seu Romanos Pontifices distinctis, ac eorum Incolis, quam Nobis, prout illam sibi dudum prædicta Ecclesia specialiter reservamus, eidem Carolo Hispaniarum Catholico, & Romanorum Regi in Imperatorem electo cui per Nostri in forma Brevis prædictæ expeditas Literas concessimus, ut dictum Regnum Siciliae, & Hierusalem, ac totam Terram citrà Pharum una cum Imperio & Romanorum seu Theutonice Regno quoad vixerit, retinere liberè, & licitè possit, & valeat tametsi in utriusque Julii, Leonis, Clementis, Gregorii & Alexandri prædictorum, & ante eos diversorum aliorum Romanorum Pontificum Prædecessorum Nostrorum Literis id expressè, & districtè prohiberetur, pro se, suisque Hæredibus, & Successoribus tam masculis, quam feminis ex eadem recta linea descendentibus, natis, & nascitu-

Que à Sanctitate sua sub certis modo, forma & conditionibus ei conceditur.

ris, servata inter ipsos descendentes prerogativa sexus, ita quod masculi ex masculis omnibus feminis earumque descendibus maribus, & feminis, cujuscunque lineæ sint, aut gradus semper præferantur, & inter ipsos masculos primogenituræ ratio & lineæ prerogativa prævaleat & observetur, quæ prerogativa locum quoque habeat, & prævaleat inter dictas feminas, earumque Descendentes in casu deficientiæ omnium descendendum masculorum ex masculis in Feudum perpetuum pro solito annuo censu septem mille ducatorum similium & unius Paraseni Albi, ut præfertur solvendo, & cæteroquin in omnibus & per omnia sub conditionibus, modis, formis, adjectionibus, promissionibus, clausulis, cautelis, voluntatibus & ordinationibus in Literis utriusque Julii, Clementis, Gregorii, ac Alexandri, & concessione Leonis Prædecessorum hujusmodi contentis, quarum remissionem per Nos & Sedem prædictam factam fuisse non apparebit omni meliori, quo possumus, modo concedimus, & largimur, ac regnum ipsum dicto Carolo Regi modo, & forma præmissis infendamus, eumque de illo per ipsius Michaelis Friderici Cardinalis Procuratoris ad osculum pedum Nostrorum admissionem investimus: Volentes, & intendentes, ut infra annum à data præsentium computandum, idem Carolus Rex Privilegium suum Bulla aurea bullatum in quo proprio juramento fateatur, & recognoscat expressè Regnum Siciliae, & Hierusalem, ac totam Terram eorum quæ est citra Pharam usque ad confinia Terrarum ipsius Ecclesiæ Romanæ, exceptis Civitate Beneventanâ, & loco Pontis Curvi, cum illius Territoriis, districtibus, & pertinentiis, quæ eidem Ecclesiæ remaneant præfæto Carolo Regi, suisque Hæredibus, & Successoribus dicti Regni Siciliae Regibus ex sola gratiâ, & mera liberalitate Sedis Apostolicæ, & Nostra fuisse concessa, eosque recepisse, & tenere Regnum Siciliae, & Terram hujusmodi à Nobis & dicta Romana Ecclesia sub pactis, modis & conditionibus supradictis. Nobis seu Romano Pontifici pro tempore existenti dare, & tradere teneatur. Per præmissa autem non intendimus Juribus quibuscunque in aliquo præjudicare.

Gratiola
censuum su
prædicti regi
ratione
hactenus
non soluto-
rum remis-
sio.

§. 10. Demum ut idem Carolus Rex in Imperatorem Electus eo magis ad sinceram illius, quam in Nos, & hanc Sanctam Sedem profiteatur devotionis, & observantiæ debita argumenta Nobis, & eidem Sedi exhibenda excitetur, quod Nos & Romanam Ecclesiam in eum propensiores, & munificentiores invenerit, scientiâ & potestatis plenitudine paribus ipsi Carolo Regi omnes & singulos census ratione supradicti Regni hactenus decursos, & non solutos ex speciali dono gratiæ liberaliter remittimus & condonamus, ipsumque de illis absolvimus, quietamus, & plenariè liberamus, & ex causa dictorum census hucusque decursorum à quocumque nullo latenus molestari posse decernimus, dummodò tamen in proximo Festo Sancti Petri, & sic successivè perpetuis futuris temporibus singulis annis ipse Carolus Rex, ejusque Hæredes, & Successores præfatum censum Nobis, & Successoribus Nostris cum solis solemnitatibus integre persolvere omnino debeant.

Formula ju-
ramenti ab
Imperatoris
Mandatario
præfati.

§. 11. Forma autem Juramenti per dictum Cardinalem præfati, talis est. Ego Michael Fridericus Cardinalis de Althaus Serenissimi Domini Caroli Hispaniarum Catholici & Romanorum Regis in Imperatorem Electi, Dei gratiâ Regis Siciliae, & Hierusalem cum tota Terra citra Pharam Procurator ad hæc omnia specialiter constitutus speciali modo per dictum Carolum Regem


sub die X. mensis Augusti Anni proxime elapsi coram Archiepiscopo Valentino, Comite Philippo de Sizendorf & Marchione de Rofrano ipsius consiliariis, ac respectivè Secretariis subscripto, plenum homagium, Ligium, & Vassallagium nomine dicti Caroli Regis faciendum vobis Sanctissimo Domino Nostrò Innocentio XIII. & Ecclesiæ Romanæ pro Regno Siciliae, & Hierusalem, ac tota Terra, quæ est citra Pharam, usque ad confinia Terrarum ipsius Ecclesiæ exceptâ Civitate Beneventanâ, & toto Territorio, & omnibus districtibus, & pertinentiis secundum antiquos fines Territorii, & pertinentiarum & districtus Civitatis ejusdem per Romanum Pontificem distinctos, & imposterum distinguendos, in animam dicti Serenissimi Caroli Regis principalis mei, juro, quod idem Serenissimus D. Carolus ab hac hora in antea fidelis, & obediens erit Beato Petro, & vobis Domino Innocentio XIII. vestrisque Successoribus Romanis Pontificibus canonicè intrantibus, sanctæque Romanæ Ecclesiæ Apostolicæ. Non erit in consilio, consensu, vel factò, ut vitam perdat, seu perdat, aut membrum, seu capiamini, vel capiantur mala captione, consilium verò quod sibi credituri estis per vos, aut Nuncios vestros, vel per Litteras, ad vestrum, vel eorum damnatum scienter nemini pandet, & si sciverit fieri, vel tractari seu procurari aliquid quod in vestrum vel eorum damnatum cedat, illud pro posse impediet, & si hoc impedire non poterit, illud vobis, vel eis significare curabit. Papatum Romanum, & Regalia Sancti Petri tam in Regno Siciliae prædicto, quam alibi consistentia adjutor vobis, vel eis erit ad defendendum, vel retinendum ac recuperandum & recuperata manutendum contra omnem hominem. Vestras & singulas condiciones supradictas, & quascunque alias in Literis fel. record. Julii Papæ II. super ipsius Regni & Terrarum infendatione, sive investitura confectis contentas, ac omnia, & singula, quæ in eis continentur, plenariè adimplebit, & inviolabiliter observabit, & nullo unquam tempore veniet contra ea, nec procurabit per se, vel alium, seu alios quocumquod ut assumatur, vel nominetur in Dominum Lombardiæ, seu Thuscæ, excepto tamen, quod Regnum Siciliae, & Hierusalem cum tota Terra citra Pharam una cum Imperio, & Regno Romanorum seu Theutoniæ, quoad vixerit, retinere possit juxta concessionem, quam à Vobis desuper obtinuit, & si assumptionem, vel nominationem ad dominium Lombardiæ, & Thuscæ, aut majoris partis earundem fieri contingat, nullum hujusmodi assumptionis, seu nominationis assensum præstabit, nec intronnet se modo aliquo de eorum, vel alicujus eorum regimine, nec de Civitate Beneventana, & suis Territoriis, Districtibus, & pertinentiis, seu Campania, neque de Maritima, Ducatu Spoletano, neque Marchia Anconitana, Patrimonio Beati Petri, & Thuscæ, Massa, Trebaria, Romandiola, Alma Urbe, in Civitatibus Perusina, Civitatibus Castelli, Bononiensi, Ferrariensi, Avenionensi, & Comitatu Vanaissino, seu aliis Terris quibuscunque Vestris, & Feudis ipsius Ecclesiæ ubilibet constitutis ex successione, vel Legato, seu donatione aut venditione, seu alio quovis titulo, vel contractu nihil unquam sibi acquiret, seu vindicabit, vel poterit acquirere seu quomodolibet vindicare, & nihil unquam recipiet, vel habebit, seu retinebit, vel poterit recipere, habere, vel etiam retinere in illis, nec ullam Potestariam, Capitaniam, vel Rectoriam, nullumque aliud Officium recipiet, seu recipere poterit in eisdem, seu ipsorum aliquo, nec etiam occupabit, vel occupari permittet seu faciet præmissa vel par-

tem aliquam eorumdem, neque illam offendet, aut moleſtabit, neque etiam Romanam Eccleſiam quoquomodo ſub cenſuris pœniſque ſpiritualibus, & temporalibus in conditionibus, & infeudatione præſatis contentis, quas hic haberi volo in ſingulis ſuis partibus aliàs pro ſpecificè expreſſis, & repetitis. Schiſmatico, aut Hæretico cuiumque, vel à Fide devio, ab ipſa Eccleſia præciſo, ejuſque ſequacibus, & dantibus eis auxilium, conſilium, vel favorem, non dabit quovis modo per ſe, vel alium ſeu alios directè, vel indirectè, publicè vel occultè auxilium, conſilium, vel favorem, nec ab aliis quantum in eo erit, ſi impedire poterit dari permittet, ſed eos juxta poſſe ſuum donec convertantur perſequetur, & impugnet. Et ulterius promitto, quod ipſe Carolus Rex infra annum, omnia, & ſingula mediante aurea Bulla ratificabit, ſic dictum Carolum Regem Deus adjuvet, & hæc Sancta Dei Evangelia. Juravi ut ſuprà Ego Michaël Fridericus Cardinalis de Althau.

§. 12. Nulli ergo omnino hominum liceat hanc paginam Noſtræ reſervationis, admiſſionis, conſeſſionis, elargitionis, infeudationis, inveſtituræ, voluntatis, vel intentionis infringere, vel ei aſu temerario contraire, ſi quis autem hoc attentare præſumpſerit, indignationem Omnipotentis Dei, ac Beatorum Petri, & Pauli Apoſtolorum ejus ſe noverit incurſurum.

Datum Romæ apud Sanctam M. Majorem Anno Incarnationis Dominicæ milleſimo ſeptingenteſimo Vigefimo Secundo quinto Idus Junii Pontificatus Noſtri Anno Secundo.

* Ego INNOCENTIUS Catholica Eccleſiæ Epicoſopus.



- † Ego Joannes Epicoſopus Tuſculanus Cardinalis Judice.
- † Ego Joannes Epicoſopus Albanenſis Card. Paulutius.
- † Ego Joannes Epicoſopus Præneſtinus Card. Barberinus.
- † G. Cardinalis Mareſcottus.
- † Ego Joſeph Tituli S. Praxedis Preſb. Card. Sacripantes.
- † Ego Laurentius Tit. S. Petri ad vincula Preſb. Card. Corſinus.
- † Ego Ph. A. Tit. S. Chryſogoni Preſb. Card. Gualterius.
- † Ego Joſeph Tituli S. Mariæ Angelorum Card. Vallemanus.
- † Ego C. A. Tituli S. Auguſtini Preſb. Card. Fabronus.
- † Ego Antonius Felix Tit. S. Balbinæ Preſb. Card. Zondelarius.

- † Ego Petrus Tit. S. Joannis ante Portam Latinam Preſb. Card. Corradinus.
- † Ego Joannes Baptiſta Tituli Sancti Stephani in monte Cælio Preſb. Card. Tolomeus.
- † Ego B. Tit. S. Petri in monte Aureo Preſb. Card. Scottus.
- † Ego Nicolaus Tit. S. Sixti Preſb. Card. Spinula.
- † Ego Georgius J. Sanctæ Agnetis Preſb. Card. Spinula Card. Sanctæ Agnetis nuncupatus.
- † Ego Joſeph Tit. S. Suſannæ Card. Percyra de la Cerda.
- † Ego Michaël Fridericus Tit. S. Sabinæ Preſb. Card. ab Althau.
- † Ego J. B. Tit. S. Prifcæ Preſb. Card. Salernus.
- † Ego Albarus J. Sancti Bartholomei in Inſula Preſb. Card. Cienfuegos.
- † Ego B. M. J. Sancti Bernardi ad Thermas Preſb. Card. de Comitibus Major Pœnitentiaris.
- † Ego B. Sanctæ M. in via lata Diaconus Card. Pamphilius.
- † Ego Petrus S. Laurentii in Damaso Diaconus Card. Otthobonus S. R. E. Vice-Cancellarius.
- † Ego J. R. S. Georgii in Velbro Diaconus Card. Imperialis.
- † Ego L. S. Agathæ in montes Diac. Card. de Alteris.
- † Ego Annibal S. M. in Coſmedin Diac. Card. Albanus S. R. E. Camerarius.
- † Ego Curtius S. Euſtachi Diac. Card. Origus.
- † Ego Fabius SS. Viti & Moleſti D. Card. Oliverius.
- † Ego Alexander S. Adriani Diac. Card. Albanus Card. Alexander nuncupatus.

P. Card. Prodatarius.

P. Card. Oliverius.

Vifa de Curia J. G. Archiepiſcopus Amafenus

L. Martinettus.

Die Luna 15. Junii 1722. ſupraſcriptæ Liſtera Apoſtolica in plena Camera Apoſtolica exhibita, & præſentata fuerunt, illaque Illuſtriſſimo & Reverendiſſimo Domino Guidoni de Palagio ejuſdem Camera Apoſtolica Clerico commiſſe eum facultate admittendi, deinde verò ſub die 26. ejuſdem Menſis, citato deſuper Illuſtriſſimo & Reverendiſſimo Domino Joanne Carolo Piancaſtello dicte Camera Commiſſario Generali ex decreto ipſius Camera idem Illuſtriſſimus & Reverendiſſimus D. de Palagio C. A. Clericus & Juxta deputatus admittit, & regiſtrari mandavit, & regiſtrata fuerunt in libro ſignaturarum Sanctiſſimi ſub fol. 45.

Dominicus Antonius Galoſius R. C. A. Secretarius.